

O vindeiro venres 6 de maio, a facultade de Ciencias Políticas e Socioloxía da Universidade Complutense de Madrid acollerá, partir das 10.30 horas, a conferencia 'Proxecto Eurocidade Chaves-Verín: un laboratorio de construcción europea', destinada aos/as alumnos/As do grado de Relacións Internacionais, estudantes da licenciatura de Ciencias Políticas e alumnos/as do doutorado en Cooperación Internacional.

Esta conferencia, que será impartida polo secretario técnico Pablo Rivera, xurdiu tras a presentación do póster científico da Eurocidade Chaves-Verín no congreso 'Fronteiras Ibéricas' realizado nesta facultade, que reuniu a expertos internacionais, integrado por antropólogos, xeógrafos e politólogos en torno ao proxecto "O discurso xeopolítico sobre as fronteiras na construcción das identidades nacionais: o caso da fronteira hispano-portuguesa nos séculos XIX e XX", financiado pola convocatoria I + D do Ministerio de Educación

A conferencia 'Proxecto Eurocidade Chaves-Verín: un laboratorio de construcción europea' realizase como parte dos contidos prácticos das materias da área de Xeografía Política, no marco dun Proxecto de Innovación e Mellora de Calidade Docente, coordinado por Heriberto Cairo, decano da Facultade de Ciencias Políticas e Socioloxía, e María Lois, profesora do departamento de Ciencia Política. O obxectivo é dar visibilidade ao proxecto de cooperación transfronteiriza Chaves-Verín, como un territorio innovador a nivel ibérico, no que en menos de tres anos de funcionamento xa se afianzou como un laboratorio de eurocidadanía.

A Eurocidade Chaves-Verín é un proxecto de cooperación transfronteiriza aprobado no ámbito do Programa Operacional de Cooperación Transfronteiriza España-Portugal (POCTEP), coa participación financeira da Unión Europea (co-financiamento FEDER).